

于山奏牘



于山奏牘卷之五

晉西河于成龍北溟父

長子部
振錄也

慰蔡制臺丁艱

成龍駑駘下吏幸逢知遇殊恩感報無地憾滇黔大逆無
端倡亂禍延湖湘拒拒敵寇惟荊州是賴憲臺運籌帷幄
調兵請餉焦心勞思天下繫望 朝廷倚重值太師相騎
箕上升增憲臺之痛傷成龍沐恩微員用是悼絕禮宜躬
赴叩奠泣血伸懷奈地方多事軍務繁劇拮据不遑方寸
抑鬱謹率僚屬跼踧陳誅辭薄獻椒漿望風灑淚弔太師相

在天之靈復望憲臺體師相平時爲國爲民之心勉強
抑情暫寬憂慘報朝廷以慰師相國家幸甚察屬幸
甚
候蔡制臺
成龍命薄才疎幸蒙知遇格外之榮三生之幸自蒲圻叩
辭遍歷艱辛浮橋遭蹇委撫山寇竭廩從事約束就繩殫
力軍需心血嘔盡匏繫齊安遙望南岳魂魄遠馳憲臺爲
朝廷荷南北重任海內仰望風采成龍下吏咸沐宏庥
茲家丁牛自成領解槽斲什物肅獻小稟俯候台安

上蔡制臺用兵方畧

成龍受知遇之恩雖竭犬馬之力無以報稱於萬一然年
邁氣衰力不勝任况當軍興旁午之時猶非太平腐儒可
坐理也伏乞憲臺垂念數月奔走恩全離任成龍得與十
四年濶別之老母妻子再相聚會闔家焚頂無旣然時事
孔棘憲臺膺封疆重任宜亟爲朝廷計安危也用兵之
法察天時審地利有守有戰有攻有奇有正有緩有急知
已知彼以逸待勞攻其無備出其不意之數者不可不審
也今天下之大勢在荊州據長江之險賊不能憑空飛渡

有持數月金風一起川湖之賊必兩路爭渡彼利在戰我御在守以逸待勞賊氣自奪若我兵先賊而渡江未爲勝策我欲渡彼必備安能保其萬全倘或賊有狡謀陽示之以弱而伏勁兵于澧常間我兵不揣虛實踴躍爭先入其穀中則危甚在我無必勝之勢而進退失策此知己知彼渡江之戰在所當緩者也岳州對壘勢足相當水陸更宜增兵以守爲戰勝負難決然曠日持久將若之何目前陽平已復蜀無可據勿拘六月不興師之例乘勝而入進可以戰退可以守蜀中空虛鄭蛟麟老懦其餘浮夸之輩無

智勇之將先之以撫繼之以戰蜀可傳檄而定大兵直抵遵義而黔省震驚三桂必退守貴陽然後荆兵渡江以尾其後必勝之局此奇兵在所當急而出其不意攻其無備者也至於武昌受病在通城小路須委老成將官鎮守勿騷擾民間收拾人心將平江一帶土寇撫而用之探長沙之虛實藉鄉民爲引導而長沙可襲取矣然後請偏院坐鎮乘便招撫衡辰寶永亦足以奪賊人之膽而壯我軍之氣矣

相持數月金風一起川湖之賊必兩路爭渡彼利在戰我利在守以逸待勞賊氣自奪若我兵先賊而渡江未爲勝策我欲渡彼必備安能保其萬全倘或賊有狡謀陽示之以弱而伏勁兵于澧常間我兵不揣虛實踴躍爭先入其殼中則危甚在我無必勝之勢而進退失策此知己知彼渡江之戰在所當緩者也岳州對壘勢足相當水陸更宜增兵以守爲戰勝負難決然曠日持久將若之何目前陽平已復蜀無可據勿拘六月不與師之例乘勝而入進可以戰退可以守蜀中空虛鄭蛟麟老懦其餘浮夸之輩無

智勇之將先之以撫繼之以戰蜀可傳檄而定大兵直抵遵義而黔省震驚三桂必退守貴陽然後荆兵渡江以尾其後必勝之局此奇兵在所當急而出其不意攻其無備者也至於武昌受病在通城小路須委老成將官鎮守勿騷擾民間收拾人心將平江一帶土寇撫而用之探長沙之虛實藉鄉民爲引導而長沙可襲取矣然後請偏院坐鎮乘便招撫衡辰寶永亦足以奪賊人之膽而壯我軍之氣矣

三
卷五
三
其勢必趨之同也古其亦必當急而出其不意如其無備
其勢必趨之同也古其亦必當急而出其不意如其無備
其勢必趨之同也古其亦必當急而出其不意如其無備
其勢必趨之同也古其亦必當急而出其不意如其無備
其勢必趨之同也古其亦必當急而出其不意如其無備
其勢必趨之同也古其亦必當急而出其不意如其無備
其勢必趨之同也古其亦必當急而出其不意如其無備
其勢必趨之同也古其亦必當急而出其不意如其無備
其勢必趨之同也古其亦必當急而出其不意如其無備
其勢必趨之同也古其亦必當急而出其不意如其無備

宜大上蔡制臺南征方畧

四月內聞憲駕渡江南征兵威振厲成龍不勝雀躍用兵
三年見此義舉然以江湖水漲暫旋共天戈此誠審酌乎
天時地利識兵家進退之機成龍儒生也未諳軍旅之事
第以素所見聞上瀆憲聰兵家之要有戰有攻有守今日
長江之險古稱天限南北者也守為長策然非徒守之而
已須訓練士卒常有必戰必攻之勢若止使之把守要隘
何異乎逍遙河上也訓練之法非止騎射鎗銃之末務五
人為伍十人為什自管隊至百總把總千總守備上下相

統休戚相關將知士意士識將心如身之有臂臂之有指
呼吸貫通一旦臨陣晝視旗幟夜聽聲音可聚可散仍可
衛父兄是訓練之要圖此議涉於迂濶而實非迂濶也守
備親乎千總千總親乎把總把總親乎百總百總親乎管
隊管隊親乎士卒士卒雖衆然由管隊層壘而上則頭領
漸約風雨晦明同其甘苦鋒鏑死亡共其患難古大將吮
疽投醪用斯道也水師營亦然但水戰之法久缺不講似
宜大小船隻相間以便利爲上計總之兵不在多關夫子

用刀斧手三百岳武穆用步兵五百以少禦多誠得乎兵
心而已將將之法亦無異是日前 國用匱乏最爲喫緊
則屯種當議舉行荊州用武之地必有荒蕪之田以守兵
輪流耕種如臨江一帶九十月水退種以大麥至三四月
水漲之時即可收割其餘高阜之處種以粟穀不比水田
多費人工勿先計收穫多寡實意行之自有功效亦可助
朝廷些須之費而亦不曠乎兵務當此 主憂臣辱之
時憲臺爲封疆大臣責任綦重拔武夫於行伍之中寄以
干城腹心之任古人有行之者至於通徹占候曉暢謀畧

用兵已久草莽料不乏人虛心延訪使貪使詐此又運籌
帷幄之要着也成龍邇來老病纏綿憂時心切不克躬親
叩謁恭陳芻言未知頗合時宜否

賀蔡制臺

成龍樗櫟匪材久辱知遇章服加榮格外殊恩圖報銘刻
值洞庭之么魔煩元老之憲駕鼠賊已無固志蕩平定在
指顧長沙一隅衡寶咽喉密邇江右一經會勦南方震驚
勢成破竹憲臺神謀妙算自有方畧成龍何敢置喙也茲
當泰階之平正憲臺萬福駢臻之會成龍特沐弘庥私切
慶賀敬効椒花之頌仰祝

聖化之調以慶膚功以賀太平

望外之賄以觀亂世以覽太平

當泰割之平五憲臺萬詠無幾之會也請并村
獲如如并憲臺麻精必莫自存古畧如請何如置
計爾其必一聞商賈即知密嚴立古一聖會
前所與之公觀則示各之意驚鼠知已無固志
其諸事難謂林人尋味幾章則可樂於此
賢蔡備臺

上蔡制臺乞歸守制

成龍謫劣庸材荷恩提拔感戴終身茲有下情泣血上陳
念成龍父兄先逝上無叔伯終鮮兄弟煢煢一身奉侍慈
幃希冀升斗以祿養親不料任粵任蜀遠隔天涯及佐黃
郡又苦卑濕不敢迎養身羈一官心懸白雲十六年烏鳥
之私未嘗刻忘此成龍十三年有終養之請嗣屢乞休實
為高堂母老中懷隱憂不得不為之乞憐也茲忽焉永訣
母北子南訃音馳至肝腸慘裂魂魄黯銷痛成龍母老不
能養母死不能殮號天愴地欲見無由追悔無及目前柩

停中堂亡靈無依倚門倚閭之望死後更切于生前成龍
他鄉孤哀腐心疾首淚已血凝形已骨立惟奔喪營葬觸
棺躃踊少釋終天之恨此成龍痛哭呼號而不得不爲之
乞憐也荷憲臺格外之恩重踰山岳而慈母罔極之德痛
切心膈伏乞憲臺垂念他鄉孤哀母死無治喪之子施浩
蕩之仁恩廣萬代之陰隲俯允歸葬亡靈有知叩感地下
成龍倘邀餘生焚香禱祝卽與母俱逝啣環結草永矢世
世矣爲此泣血悲慟待命之至

復蔡制臺

成龍仰荷恩庇待罪黃郡雖日昃靡寧恒多覆餗之懼屢
乞告休未蒙允達心神俱瘁茲承眷切成龍感佩無地木
板一事今歲漕糧恐北運有期自凜遵憲命臨稟曷勝惶
悚待命之至

復蔡制臺

成龍自康熙十二年叩謁憲堦蒙褒諭之寵章服之錫恩
逾格外誠千載一時也十三年代覲復任值南寇蠢動湖
北震驚地方多事軍務繁劇未能趨謁罪戾殊甚自鄂至

黃終歲靡寧成龍心血已枯筋力盡竭龍鍾堪憐通詳乞
休未荷恩允強勉從事每多踈漏至於羅田文武互訐關
係地方成龍何敢一刻放懷此事急則彼此相激緩則意
氣自平况均係貴族子弟忿爭之日少親愛之日多茲屢
奉憲檄不敢久稽謹將大畧申覆伏乞憲鑒

蔡制臺復書

前者山莽竊發門下躬親戎馬殲渠撫脅克奏膚功
聞之欣躍文治武烈當今並亟可為推轂預期矣禱
惟親賑民沾實惠以此為祝更勝封人也草復不盡

上蔡制臺

為酌留營將以資防守以靖封疆事竊照黃州西接武昌
漢陽東連九江安慶長江一帶亘綿數百里上以鍵荆岳
之門戶下以搯潯吳之咽喉實屬要害之區當承平之日
黃州原設副將一員額兵六百六十名分汛黃岡黃陂麻
城黃安蘄水羅田六縣蘄州原設叅將一員額兵四百五
十名分汛蘄州廣濟黃梅三州縣而黃協所轄地廣兵少
常有鞭長不及之虞康熙十三年滇黔告變人心叵測麻
城羅田素為盜藪憲臺慮周萬全題請黃協添設守備

二員分防麻羅各召兵三百名因蘄州勢踞江干密邇黃州議裁叅將一缺留兵三百守備管理而統轄於黃協彼時江右無驚議設議裁緩急適宜嗣豫章用兵憲臺審時度勢請復蘄州叅將一缺兩牘補陳無非爲朝廷封疆起見部議相左蓋以九江有提督坐鎮而江右已漸次蕩平也然今日之憂又不在水路而在陸路聞江右寧州告警與武昌之大冶興國接壤不無震隣之恐查大冶從小河出黃石港直抵大江在黃州之下蘄州之上興國從富池口直入大江在蘄州之下廣濟之上雖賊寇不敢猝犯但恐大冶興國受敵而沿江一帶須處處隄防以一協鎮遙制九屬之水陸瞻前顧後不無可慮莫若暫留雅叅將坐鎮蘄州仍分汛蘄州廣濟黃梅而對江之興國等處亦得專謀隄防黃蘄協力聲勢相援兵威自壯防禦自密不惟黃州鞏固無憂卽武昌之屬邑亦可恃以無恐伏乞憲臺爲封疆謀萬全因時制宜暫留營將輔車相依以成不可搖動之勢如欲必裁或俟事平可議

蔡制臺復書

接來稟知災民賑拯之議有禪今日急務所當具詳

見門下留心民瘼保安地方至意當卽斟酌更改移
行撫軍司道府力爲舉行期臻實效至蘄黃一帶去
荆頗遠聞見不易尙有次第應行事宜不妨條晰備
陳總冀民安盜息疆土寧謐卽是無窮之福軍旅病
勞交迫率此復聞并以誌門下直言無隱雅懷也

與兩粵金制臺書

成龍才劣數奇蹇仕粵西蠻烟瘴雨孤身七載幸蒙知遇
千載一時榮膺計典格外提拔迄今回想叩別瑤堦叮嚀
勿變操守不覺痛切肝腸及赴蜀任荒涼情狀滿目悽愴
踏勘楠木踰山入箐奔馳百日轉躡黃丞雖屬冷曹而逼
處盜藪驅除撫輯倍費心力刑名繁劇日昃不遑兼理黃
漢捕務苦肩重任又兩值代覲奔走雨雪又經五載蒙蔡
督臺拔識特賜章服仍膺異數告誡勿變操守一如憲命
成龍不覺痛切心腸無端滇黔起禍南服不靖成龍覲畢

星赴軍前代理武昌事務適量移建寧守張撫臺留任鄂
郡因浮橋一案叅黜值麻城土寇生發委任撫勦題授黃
州守一切軍需躬親料理神疲力竭南賊潛入黃地煽惑
肆逆領兵進勦焦心勞思鬚髮盡白事平乞休屢詳未允
勉力供職以報兩臺今日之知遇卽以報憲臺當日之知
遇也更瀆陳者目今西南鼎沸而東粵一省隔斷滇閩之
聲援天下安危所繫憲臺一力保全真所謂朝廷封疆
大臣矣自豫章告變粵東孤立一方四面受敵竊甚憂之
幸江右蕩平則東粵軍威倍壯頃閱邸報西粵撫軍克復

梧州須善守之平樂灘高水險不便進兵宜密訪別路出
永州一帶可以直抵桂林舊右江黃守道素蓄膽畧陷入
賊中必有歸意倘得內應孫孺子不足謀也舊線將軍未
卜存亡此老若在可與黃協力至於馬雄成龍料必附賊
羅城溫守備久在標下習知馬營虛實倘起兵柳羅間襲
取慶遠猺獞聞風響應是亦搖動彼地之一策也惟恐細
作難得其人耳成龍治斬黃頗稱寧謐荆岳相拒邇來鄖
襄多事亦已合兵會勦江右寧州失守不過土寇作祟無
有大患秦中賊勢畧已斂跡天下事全賴憲臺諸大臣盡

心區畫兵不可輕動機不可輕失相度時勢戰守自有機
宜成龍愚瞽不吏沐恩高厚夢寐難忘茲因便羽特將成
龍前後艱苦備陳兼述時事以表鄙忱臨啓不盡瞻切

上勒部堂書

成龍材識疎庸蒙恩眷顧拔之泥塗之內寵以章服之榮
天地覆載父母生成此生此世何以忘懷忽聞袞衣北歸
雖 廟堂資啓沃之助而九戩之悲信宿之私烏能已已
惟願贊畫鴻猷底于磐石蒼生倚賴頌實無疆成龍年邁
力衰勢若朝露泰山北斗未必獲瞻仰於今生千載知遇
之感當與天壤無盡也敬陳羔裘之獻聊充禦寒之需雖
未足服御於憲體祇以盡寒酸之下情伏乞俯鑒更有瀆
者成龍邇來心火炎燥百病俱生由憂思太過血氣枯槁

事愈集則心彌燥心彌燥則病愈篤黃州重地豈老病所能臥治特因撫憲恩深義重不敢云瘁不忍告休仰祈憲恩金言九轉代達撫憲俯容休致庶知己之拔識曠絕千古不至覆餗於末路貽羞士大夫也緣值駕別黯然不覺感觸已私痛哭陳情統乞汪鑒臨啓悚息無靈丸請平

初至黃郡與友人書

天下有極苦之地居之久而不為苦者羅城合州是也天下有不苦之地入其境而即為苦者黃州是也羅城為蠻烟瘴雨之鄉其苦古今人共知之然久之而茅屋頽垣布衣蔬食裸體跣足長歌痛哭習以為常彼其心不在此也在乎欲全生歸家而已又久之而時和年豐盜息民安官民親睦在下易於見德在上易於見功日用之需費有限而一於儉上司禮節不行無所憎惡迨至合州人烟絕滅水陸衝煩苦矣其僕也挑水運柴其主也讀書飲酒民間

供應盡裁上司誅求亦寬往來仕客聞風而嘆惜以去夫
 役因之無擾在上則曰清操毅敏又曰刻苦矯厲為良吏
 美之又加悲焉憫其窮也在下垂涕號泣無復官民禮此
 居極苦之地而不為苦者也若夫黃州則不然居郡丞之
 位履文物之邦署宇嚴肅役胥羅列士民聚觀耳目雜遝
 狐裘煌煌者同寅也衣裳楚楚者屬邑也蒞斯土者主尚
 可布衣而步行乎僕尚可挑水而運柴乎為之治其執事
 備其傘蓋繁其交際咸借貸以應而冷署如冰下無以為
 德上無以為功五窮環至應接不暇如之奈何此居不苦
 之地而適為苦者也八年十二月二十五日蚤舟中驟見
 小犬長者龐然幼者突然竟不識為誰家子徐聽其聲音
 抱頭痛哭此命數蹇阨父南子北者九年一旦見面肝腸
 欲碎者也頃捧手扎數載隔絕如對芝眉灑淚痛懷始知
 老年伯奄忽仙遊猶記聶親翁覲旋寄有尊諭勉慰備至
 尚存笥中忽焉乘箕上天五內震悼此痛切而難已者也
 惟年兄以禮節情為時自玉積緒萬千書不盡意統希台
 照不次

無不犬

不規復蒲圻與王憲副書

自憲駕回蒲成龍因崇陽船歸日夜不寧今船已足數值
 王把總從大營旋奉撫憲有守橋梁之命則橋有責成定
 於二十九日聯舟為橋庶成龍之職可寬責任至於招撫
 士民當大兵渡河之後人心踴躍思歸雖朝來暮去而路
 有行旅市有貿易無如天雨連綿道塗泥濘繼以逃兵浪
 言煽惑人心前此阻士民欲歸之路者天也後此阻士民
 欲歸之心者人也天時人事如此總成龍竭盡心力其何
 能濟惟有株守歎息而已既無益於地方應歸省以謝罪

一畏士民之無主空城寥落一畏屬員之偕行驛站廢棄
苟且居蒲以圖可乘之機但請署之文未下精力愈疲神
氣愈耗似一廢人居一棄地矣若逃兵乃德安興國圻州
黃協四鎮兵也於二十七日早渡蒲河流言散布耳不堪
聞從崇陽大冶逃者十之七從蒲逃者十之三恐通城一
帶自此倍爲多事未知撫憲如何布置通城咸寧官不勝
任成龍因蒲署未下亦不敢多言地方事目前靜坐河干
料理船隻鄉紳伺其動靜頗爲帖息二十八日鄉民往來
不絕以通南北一綫之路王把總歸來道營中事甚悉二
十三日我師在陳陵磯遇賊勝負未分但南寇多烏統料
不敵我師之勁弓矢爲輕便天氣晴明利於馳射戰勝在
卽嗣容報聞

十三日我師在陳陵磯遇賊勝負未分但南寇多烏統料
不敵我師之勁弓矢爲輕便天氣晴明利於馳射戰勝在
卽嗣容報聞

留別蒲圻紳士書

貴邑逼近湖南士民震驚失業離家言之心愴成龍實不才撫徠無術兼以天降淫雨人布流言阻我士民歸心城垣崩壞牆屋傾圮氣象蕭索寢食不安邇來人民頗集正欲修砌北城以壯我蒲旺氣事未就緒值撫軍有撫緝嘉魚事竣回省之命束裝就道不克面別中懷鬱戀後會何期并期轉達諸生亂離之中朝夕歡接一旦分袂情實依依地方事務藉力調劑言不盡意統冀鑒照不宣

與鄭學憲書

初七日忽捧憲諭諄諄誥誡誠念桑梓之末員篤以家人父子之厚誼感激之下倍增酸楚成龍年邁力竭沉滯苦海遙望白雲肝腸碎裂祇因撫憲恩深義重不敢云瘁地方事務各屬年少恐不諳練事事關心至於蘄黃原名盜藪數年以來躬親稽察不遺餘力水陸頗靜近日諸兇口稱成龍養高必不冒險敢於私臆橫行若不出其意外破其惡膽將何底止扶病巴河之行非得已也卽身居署中未嘗不心馳境內出入勤慎之諭真令人痛哭流涕事出無

奈將若之何如此嚴密尙有諱盜不報之弊訛傳高尙實
屬本心但目前難以卸肩相度時勢或終不免此一著耳
承惠種種尊者之賜不敢告却解衣之恩當佩服終身敬
望駕臨齊安未卜福星肯照臨否

與屬令書

今日居官咸怕盜案殊不知盜案何足懼也目前失主鄉
保恐其拖累槩隱不報卽有報聞槩稱竊盜以致鼠輩毫
無忌憚且成群打夥揚言誰敢報官定行報讐縱盜而盜
愈多始也畏事旣也畏盜地方之壞已不堪言嗣後失事
鄉保不報嚴加懲責盜賊自然斂手十案之中總不全獲
亦可獲其半盜賊自然膽裂是不畏盜而盜自滅也或云
盜案可壞功名第不思一己之功名其事小百姓之受害
地方之受驚其事大天理良心何忍以一己之功名竟置

地方百姓於不問也勉力報緝不佞一力相幫可不數月而地方清靜矣此不佞躬親之事勿謂老髦不聽也惟留神不宣其半盜類自然翻集最不與盜而盜自然起元際則不群蠱賊發資盜類自然放手十家之中無不全愈多故也吳事過也與盜狀式以毀戶不堪言歸對夫事無忌憚且氣憚件錄財官指短財官出許辨贊錄盜而後別恐其詳得環圖不詳四許辨調樂辨錄盜以廷鼠輩今日其官知創盜案不唯盜案河以對也目前失正

與麻城諸生書

世事反覆憂心如焚飲食不進老病之軀立待溘亡師弟關心言之淚下羅山周鐵瓜無端潛入釀禍諸君念生苦心多方禦侮生卽沒在九泉當銘骨不忘聞屈親翁厚待從此嫌疑盡釋更喜出望外也陽邏之賊突發必然進山前已有字托程譽早轉送未知到否隘口務要緊守布袋切須余公晉夏仲崑謹守但內患防備宜嚴如乏人用交白杲王家水砦一帶諸生發鄉兵相幫一應機宜總冀小心細密言之不盡

與同僚書

今日之事人心思亂惟在靜以鎮之而已不必與愚民較短長我心不動則浮言自息此謝安石之所以全江左寇萊公之所以定宋室也借船二十一隻特著貴价押回緩急相濟感何可言但每船領銀伍錢未知肯開銷否共銀十兩五錢望取船戶一領狀粘連用印申繳存案財帛分明大丈夫此生此心惟有天日可表耳臨楮感切

謝徐守憲書

成龍屢聞派夫之議晝夜愁悶如坐針氈於本月初十日值知憲臺詳請折價武漢黃三府士民戴如天之仁陰德萬代朝廷受無疆之福鞏固百世成龍不覺心折手額踴躍欲舞復望憲臺一力主議哀懇必行成龍奉命唯謹伏乞憲鑒

與王協鎮書

前者臨江出師有投石超距之勢老親臺緩帶輕裘謀在萬全卽刻稟明撫憲諭來慰甚昨承翰教兼賜塘報賊之形勢如在目中增兵已請命酌議戰船業奉命允現買五隻餘俟陸續備辦火藥俟天稍晴與朱親翁料理吳把總烏鎗四十杆解赴軍前相煩查用尊體違和弟中心憂念懇爲 朝廷保重勉強加殮東南軍務撫臺藉重實恃爲太山引領企望不盡願言

與各屬邑令

正值分秧之時忽有挑夫之檄令人愁眉不展幸黃岡縣慷慨捐募并不問之里民頓覺心胸爽快不佞何緣遇此賢能輩相助爲理也生民之慶 朝廷之福但捐募必須有法斟酌妥當方克濟事望同乃心力無俾一人專美不勝欣瞻

新正候張撫臺

成龍蒙恩提拔感佩終身知遇之感誠千載一時也復荷
溫諭教訓期以全人相勉勵至誠藹洽真天地之覆載父
師之生成不是過也成龍不惟書紳而敬鏤心矣新正元
旦謹書子謂子產四言觸目而則倣之以仰副憲臺之期
望變化氣質時自刻責焉茲當鳳曆初頒正憲臺萬福駢
臻百政維新之會成龍親沐弘庥倍切慶賀恭陳蕪言聊
抒下情伏乞憲鑒

報擒莫偽道上張撫臺

成龍赴省叩謁憲堦蒙恩優渥歌醉飽之什感高厚之仁
啣結難諉於初七日叩辭初九日回黃十一日巳時據興
國州報稱拏獲莫偽道所供逆黨已經報明在案但文內
并無各犯口供亦無起解字樣恐有意外之虞成龍當於
十二日夜二更時分帶領防巡二道各役乘十二漿快船
星赴興國安慰良善以釋驚疑以靖地方合就報明統乞
憲鑒

陞閩臬上張撫臺

成龍受知遇之恩卽天地父母何以踰也淪骨浹髓莫可
名言昨叩別慈顏痛不能割于焉永訣肝腸碎裂蒙笑語
之燕醉飽之德愧莫能承復蒙清問俯及敢不罄抒素所
見聞仰贊盛治但恐芻蕘鄙言無裨高深伏望鑒宥焉自
十三年禍亂之初正憲臺蒞政之始承平日久人不知兵
一時風鶴處處城郭蕩空若非憲臺鎮靜屹如山岳彼時
乾坤不知作何光景也焦心勞思選將守鄂呼吸之頃轉
危爲安復請侍衛之兵大彰國威上緩徵之疏收拾人

心試問今日之天下金甌如故者誰之力也憶昔逆氛漸
逼江夏城門之外文書不能行兼以糗芻匱乏費用浩繁
天降災殃淫雨如注慷慨悲傷此成龍之所親睹也尤憾
奸宄喜亂內變紛生大冶煽禍於前東山接踵於後嗣江
右諸邑失守南北震驚漢口黃岡麻城黃安攘臂蜂起憲
臺發策指使用兵如神勦撫兼施保有疆宇不題請恩免
逆首家屬用彰朝廷不殺之威至於脅從罔治視偽劄
如棄帑反側自安又其餘緒

皇天在上毫無佞諛之辭兼以天災異常洊遭水旱請蠲請

賑苦無寧晷數年來享平安之福殊不知臥薪嘗膽之苦
也從前功德累帑難盡目前事務較昔倍苦官民交困不
忍不言如轅門瑣屑細事無關地方安危似不必煩憲慮
也圖治之大要在用人行政而已用人之權雖出自一朝
廷而激濁揚清之法又在封疆大臣操之但知人則哲自
古爲難賢良佐理易與爲治監司爲憲臺耳目朝夕籌畫
國家大事最爲喫緊如驛傳襄陽二道皆正人之選倚
爲心膂自可相與有成守令爲親民之官時加勸勉人孰
無良且八法具在敢不自愛而勞苦之吏亦宜拔擢一二

以快人心以示鼓勵如彝陵知州身履危險之地黃梅知縣躬親奔走之苦日久神疲情狀堪憐前任漢陽江防修理沙船傾家助國均難泯滅倘徼特典則人人自奮於功名之路罔不捐軀報効若夫各府屬員難以盡知不敢冒昧上陳此用人之大要也行政多端目前苦累惟在軍需王諭一頒時刻難緩然寓仁慈於催辦之內寬一分則軍民受一分之福一切木料油麻鐵釘等項先查經理衙門存剩幾何勿令沉匿尙需用幾何量其多寡確實分派勿令浮冒凡司道分派數目申飭詳報以俟開銷之日

徹底對查則沉匿浮冒之弊可杜而吏書不敢作奸至採買米豆等項現在發價申飭司道不許牌內開如價不足另行補發字樣此係騙局陽爲君子陰爲小人止許地方官照時價買解造冊報銷如有浮冒者痛加駁減如大部奏銷之例則公事易辦而官民無平空填賠之累至驛站之事苦於剝追各驛官無隔宿之糧而拖欠至成千累百號天泣地不可聽聞將何以周恤各屬吏員奔馳軍前枵腹從事內不能顧妻子外不能瞻跟役衣服藍縷殊無居官之體將何以存濟排夫數減差使日增累及烟戶漸已

逃避將何以調停大江舟楫乃商賈血脉之路封船不已
船戶潛匿商賈絕跡將何以疏通漢沔一帶堤受水害百
姓流亡將何以修築長江上下塘汛無兵盜賊必致橫行
將何以預防湖南一日不復軍供一日不休楚地居民日
就剝削患在肘腋將何以籌度楚民徃訟頓輒傾家敗產
縱有一二富室破壞不堪將何以禁止事務多端難以枚
舉此行政之大要也若督臺帥師洞庭焦勞殊甚鬚髮半
白尤賴憲臺同心戮力時勤寬慰此又封疆大臣利害與
共視同手足之誼矣若察核官吏下及衙役此太平之常
事當今日極苦極累之時更冀憲臺寬其文法恩先於威
俾各屬黽勉圖治咸樂寬平之化成龍歸休丘園遙相慶
幸冗言瀆聽曷勝惶悚緣奉下問不識忌諱統乞憲鑒可
否採擇施行若吳逆冥誅天將悔過蕩平可望憲臺凌烟
之慶成龍身在草莽亦與有榮施焉

上徐藩臺書

兩接諭命讀至苦海陷穽之句不覺痛如刀割莫料時事一至於此曾憶去歲五月內成龍竭言切諫明知時事之難處而瑣瑣慮及此也憲臺亦憶及此乎已往不諫來猶可追時事雖不可爲而尙可及早圖之也成龍又有芻蕘之言淡知不足聽而又不忍不激切言之也惟望憲臺俯閱裁酌可否實意行之焉今日財用惟有餘不足兩者而已酌盈濟虛補偏救弊之法古人之今人不可倣而則之乎懇憲臺大舒胸臆勤惜分陰全副精神注於會計念

茲在茲日積月累彈兌勿落他手支放必須躬親登記莫
緩時刻非孳孳爲利也亦以云救也若愁悶日集毀言日
至一味放倒將來何以處之其緊要之法有三焉一曰覈
實數傳集經承清查錢糧民賦不足幾何協餉不足幾何
捐納不足幾何立爲欠數著經手軍需書吏清算各項軍
供應開銷幾何立爲存數再將在庫在內已發銀兩徹底
清查某府州縣有已發之銀某等如修理杉船之類某府
州縣有發買之米如黃岡蘄水二千兩之數查明立刻催
解立爲存數以所存抵補所欠尙有不足幾何復查在省

棕麻板片等項已用實數幾何未用存留幾何俱係有用
之物料查明交付武漢兩府因便支用一以省另買一以
作實數可杜藉端盜賣之弊已聞有盜賣鐵斤者不可不
蚤爲之計也一一確查然後一手出入節次省減量入爲
出雖有吝嗇之名可免陷窳之累矣一曰親吏書一曰朝廷
之有百官百官之有吏書一也百官之內豈乏不肖吏書
之中豈無賢者亦在因才器使而已耕問諸農織問諸婢
必然之理一身之精力有限衆人之耳目無窮各執事分
辦於下一人察核於上彼焉廋哉但不可過疑亦不可過

信用人勿二古之道也樂彼之園其下維籜古之言也好而知惡惡而知美衆吏莫不樂爲之用何憂財用之不足乎若寂處尊嚴屏絕吏胥止有一二親信恐利歸他人禍歸一已種種弊生不可救藥矣一日閱文書藩司爲一省總滙衙門百官之賢否民生之休戚歲時之水旱民賦之起解軍餉之領支俱屬望焉文書隨到隨閱隨閱隨行則百官畏其丰裁民生保其性命水旱賴以調劑民賦軍餉無守候稽滯之怨若不勤加拆閱則諸事塵積一二奸吏伺其喜怒賄行文書利歛於下怨歸於上總財賦雖無可慮而陷穽愈不可測矣更望親近正人君子相助爲理

神氣日清名譽日彰功名

置之度外禍患杜於將來以上瑣言出之痛腸惟台鑒焉成龍行矣承憲臺贈言讀不忍終及見詩如見我之句灑淚沾襟聞楚之隔山川之遙後事不及聞知且成龍年踰六十邇來多病又恐有生死契濶之痛矣臨別未面後會無期黯黯魂銷不知所云敬呈俚句誌別惟憲臺見之一如見成龍焉

又爲藩憲上張撫臺

成龍任道日淺衙門事件亦少護道事查明已具結申報
訖惟任府治五年錢糧軍供等項例應統爲查核近日藩
司行查黃州府出具并無未完事件印結合據結申繳成
龍任內之事俱已明白應赴新任且閩役於本月十三日
到黃迎接不便久爲逗留前藩司劄云回荆查明詳請憲
臺批允發憑迄今未知查明詳請否尙有十六年八月內
買豆一事當時議定買豆十萬石成龍具六萬兩印領一
紙藩司止發銀一萬兩買豆二萬石此項豆銀黃梅領銀

七千兩買豆一萬四千石景照磨領銀三千兩買豆六千石俱已交收清楚而六萬兩之印領未發今歲領買豆銀二萬兩此項銀兩鮑同知領過一萬兩景照磨領過四千兩尙有銀六千兩眼同庫官吏收明司庫而二萬兩之領未發又有修理沙船一案借司庫銀一千七百五十兩印領三紙據前任郭同知云止收過銀一千兩此項銀兩黃州府俱已承當而一千七百五十兩之印領應行查發九月初旬姚監生赴荆清算遇藩司於江夏面云回荆查發手劄又云各領應存者存應還者還斷不貽慮言詞淒楚逐一清算爲一了百當之事

讀之不勝痛切師弟之情利害關心但 朝廷餉銀理宜
此成龍爲藩司慮又不得不
爲一身慮也 此成龍痛

心疾首而無如之何者也統望憲臺始終曲全爲拯救之法昨聞憲臺嚴聲厲色乃一片婆心實意教訓而藩司不勝氣短惟恐愧悔之下事件頭緒繁雜急不能理必至寢食俱廢而大事愈不可問矣成龍愚見莫若相其性情而節次清之但荆南路遠事多遲滯懇憲臺啓請糧道暫赴

荆料理星夜調回藩司朝夕面商溫言寬慰令其心志舒暢愁悶暫展喚經手錢糧吏書逐日清算限期歸結則錢糧之出入多寡有無水落石出總有差雜逐案清補事尙可爲也若不蚤爲籌畫必至債事苦至此極矣藩司止有一子不幸早逝熒熒母妻天各一方內外憂偏又無親屬解慰將來作何結局此成龍之晝夜不寧而鯁鯁過慮者也印領一日不發成龍決不敢輕離黃州赴任違限之咎甘心受之成龍執拘鄙見未知有合時宜否

上 康親王求罷斲夫啓

啓爲地方罷市亟請諭示安民事康熙十九年正月二十八日據福州府知府蔣璪海防同知蘇佳嗣糧捕通判林有蘭呈據閩縣知縣祖寅亮侯官縣知縣姚震會報稱本月二十四日蒙撫院傳奉 王諭令職等照舊撥給各旗官兵劊草人夫職等以未奉院檄難以撥派民間隨因出師行逼職等不得不再行請示至二十七日各旗官弁兵甲填塞縣堂刻着職等撥派劊草人夫職等以此項人夫前係督院具 題禁革未奉上文不敢擅撥當經面稟

叅贊大臣併各司道職等於二十八日具啓 王爺聽候
批示間詎合城內外諸色人等傳聞仍取前項人夫以大
兵雲集徭役繁重民命不堪突然廢業罷市喧泣街衢事
關地方理合詳請乞賜示禁庶地方得以安堵等緣由到
司道據此職等隨即傳喚保甲人等查詢據稱大兵劓草
人夫子民竭力已久前蒙 王爺天恩軫念小民困苦特
准豁免實蒙再生不擬昨二十七日旗兵復向兩縣取撥
小民典鬻已竭委難再支因此驚惶廢業號乞轉懇 王
爺等語職等卽曉諭令其照舊開市安業外但聞省殘黎
困苦已極業蒙 睿鑒豁免各旗劓草人夫百姓邀恩已
久今應否仍准照前免撥出此 浩蕩洪慈職等身任地
方理合啓請 王爺睿裁施行

再求罷劓草人夫啓

啓爲敬陳國與民相倚之切仰祈睿鑒弘宣德意以恤殘
黎以培國本事竊照國家之安危由於人心之得失而人
心之得失在於用人行政識其順逆之情而已孟子曰得
天下有道得其民斯得天下矣得其民有道得其心斯得
民矣得其心有道所欲與之聚之所惡勿施爾也是國與

民相倚之切千古其不可誣也我親王爲國家之大宗
實維城維翰之所攸賴因滇黔背德東南煽動其心
皇上命將出師審浙閩爲東南重鎮熟知親王仁育義正
可當大任授闢外之寄以平定東南是卽

太祖

太宗

世祖章皇帝之所式憑也我親王毅然受命簡師閱旅平
復浙疆直入閩關醜類望風効順海逆遠遁救斯民於水
火之中登之衽席之上神武不殺古之用兵無以逾也數

年以來小民歌頌戴高履厚莫知所報十七年海逆偶爾
犯順旋即驅逐而小民獲有寧宇無非親王愛養斯民
之所致也爾來京師地震太和殿災皇上憂勤惕厲下罪已求言之

詔惓惓以愛民察吏爲念且北直江南山東河南處處告饑
賑濟之

旨日頒豈不知滿漢兵馬從征日久勞於王事軍需浩繁
內帑告匱難於供給而愛民心切未常因之而少置也
親王爲朝廷宗臣鎮靜海邦地方寧謐

皇上少紓宵旰之憂者惟親王是賴我親王體

皇上之心敬

天畏災屢諭滿兵毋擾百姓煌煌八玉言下痛民隱土徹

宸聰是又

太祖以愛月察吏念且北直正南山東河南南

太宗

世祖在天之靈所喜悅也職司成龍年逼桑榆受親王知

遇之恩無以報荅惟審人情順逆之故敬獻狂瞽之言乞

親王俯念國與民相倚之切以

一吏不法日予之咎為保邦致治之本為回

天慰

祖之實以尊朝廷以服海醜莫是過焉成龍章句腐儒不

識治體冒昧瀆陳伏乞親王睿鑒施行

上吳撫臺論閩疆事宜

成龍山右腐儒未習軍旅然謬任閩職已幾一載切知生
民之塗炭皆由海逆之憑陵此賊一日不滅閩疆一日不
寧憲臺勞心焦思圖報 朝廷知遇之特恩拯救閩省之
殘黎必殲除海逆以底蕩平因之殫心籌畫以難與慮始
之見爲一勞永逸之舉修理戰艦製造軍器夏不避暑冬
不避寒且浹洽歸誠交驩平勃一片苦心未嘗一刻忘
朝廷也茲戰具齊備厲兵秣馬擇吉興師將見澄清海宇
又安邊疆在指顧間也成龍雖屬賤賸踴躍懼忭慶太平

之有日矣然不揣狂瞽爲攘外必先安內之議未知當
憲鑒否敢敬陳之

一省會根本之地不可不慎也閩民姦詭而好亂多圖徼
倖爲不終朝之計逃兵匿寇竄伏閩左乘便思逞遷民窶
夫室家化離一呼易叛歸誠者雖多革心而歸農者豈盡
化眼憲駕南征腹內空虛么魔窺伺實繁有徒雖王師
靜鎮可保無虞而南台種類雜處人心易爲煽動倘有小
警未免煩憲臺閩外之慮此林鼎陳德楓二案似當早爲
處決以絕觀望者也

一上游形勝之區不可不固也延建邵武爲八閩咽喉米
穀所由輸運商賈所由流通邇來山寇出沒建邵之浦陽
崇甌等縣咸受荼毒延邵二郡順昌光澤均遭侵犯至於
杉關要路民不安枕商旅視爲畏途各協守兵惟知按月
索餉不知所守何地所防何賊且江紀楊一豹二賊日以
歸誠爲餌而焚掠倍慘憲駕南征彼復何顧忌雖尙將軍
駐建可恃無恐而延邵之間鞭長不及二豎必更有一番
計算目前古田已藏逆種永安復報寇黨順昌尤沙尙留
燃灰倘有小警又未免煩憲臺閩外之慮此順昌杉關似

宜各設防兵三百名以資守禦尤沙似宜分兵數十名以伺釁隙者也

一各營分守之兵不可不練也 國家養兵期於禦侮未有止期以迎送往來守汛瞭望空糜糧餉爲者近稽兵籍郡有鎮守邑有分防星羅碁布如常山之勢然細加察核或調赴漳南或搭配水師或分防塘汛在伍之兵實有幾何憲駕南征各營必逸豫高枕惟計餉銀之完欠誰復驗弓馬之生熟倘有小警在伍之兵寡而未必精在汛之兵呼而未必應又難免憲臺閩外之慮似宜爲綢繆之計亟

加申飭務覈在伍實兵若干名時加操練寡而期精在塘之兵若干名日加稽查呼而期應各成一枝勁兵互相聯絡以通聲氣以資禦侮以備調遣者也至於海上形勢憲臺久以洞悉成龍何敢妄陳戈矛所指勢如破竹以抒

九重宵旰之憂酬知遇之恩建蓋世之奇勲鐫功名於鼎鍾此成龍之雀躍欲狂者也統祈憲鑒

憲駕南征成龍等弗克左右戎行中心懸旻旬日違顏彌
 切瞻依祗因匏繫職業又不敢趨侍座前仰承色笑聞憲
 臺駐節福清櫛風沐雨厲兵秣馬為朝廷封疆籌畫勞
 神此又成龍等之寢處不安者也海壇之捷軍聲大振數
 節之後勢如破竹成龍喜躍如狂茲王驛道有閱站之役
 趨謁軍門成龍等均侯起居聊備食物數種統乞鑒茹
 下為又請大憲憲臺無野田也如或野田也如或野田也如或

候吳撫軍

憲駕南征成龍等弗克左右戎行中心懸旻旬日違顏彌
 切瞻依祗因匏繫職業又不敢趨侍座前仰承色笑聞憲
 臺駐節福清櫛風沐雨厲兵秣馬為朝廷封疆籌畫勞
 神此又成龍等之寢處不安者也海壇之捷軍聲大振數
 節之後勢如破竹成龍喜躍如狂茲王驛道有閱站之役
 趨謁軍門成龍等均侯起居聊備食物數種統乞鑒茹
 下為又請大憲憲臺無野田也如或野田也如或野田也如或

閩南報陟天馬屯崇武披草萊剪荆棘驅除游逆安撫降
丁爲水師先聲憲臺社稷臣也破海壇越江陰戰湄洲泥
濤之間真可謂一月三捷矣三月朔日廈門露布除兩
朝之逋寇建蓋世之奇勲從此海不揚波民獲寧宇用抒
九重南顧之慮成龍喜躍如狂更竊有請焉臺灣尙在宜爲
善後之計或云得其人不足臣得其地不足耕此目睫事
也久之必爲廈門憂武侯擒縱之策正在此時銅鼓之威
海內咸仰望焉成龍不識時勢謬陳一見乞憲裁酌畫
國家久安長治之圖萬世將倚賴之矣但憲臺冒陰雨觸

海風晝夜靡寧聞憲體清癯成龍寢食不安區區下情望
爲 朝廷保重統祈憲鑒

上姚制臺宜和衷書

本月初三日捧讀憲檄爲大計一案以和衷爲惓惓是誠大臣之體 朝廷之福也成龍老邁迂儒不學無術歷任二十年縱觀古今名賢身任國家大事無不同心協力相濟以有成者况閩省之危岌爲何如地閩民之殘疲爲何狀也謹將大計一事緣由備陳之 部文大計以一月爲限期成龍於十月初旬患病告假而大計賢否高藩司差役守催成龍以老病列欵移司通詳則大計重典成龍病不能理也適高藩司有楚省之議撫臺以揭內不便列名

十月十九日催成龍議事卽以藩篆相付成龍以病辭未
允彼時二十五日大計之限滿矣二十日催迫任事二十
一日受篆報明在案二十二日卽以大計請命撫臺隨詢
主稿之例成龍未經其事卽傳吏書問云軍政乃憲臺主
稿大計乃撫臺主稿也復諭查舊案歷歷不爽撫臺方諭
吏書速行此成龍在座 天日共鑒者也成龍又以地方
多事屬員爲軍務所苦且一年之中已被劾八員此番似
難過刻乃成龍所力懇者二十三日卽開列三員通報以
副限內之舉是大計緣由歷歷有案可改者也憲臺廓達

大度敬賢容衆同撫臺以定海安民爲已任是今日閩省
之封疆 朝廷所倚重士民所待命百官所畏威者憲臺
撫臺也數年來勞 朝廷數十萬兵馬費 朝廷數十萬
金錢全望會師大舉以紓 朝廷宵旰之憂以解閩民倒
懸之苦兩憲功名垂於竹帛福蔭綿於子孫在此一時矣
和衷之論憲臺盛德事也成龍愚見以吹壘吹篴之誼原
無彼此爾我之形和衷之美可併不有也成龍耳聾眼花
不似人形龍鍾可厭久應在廢棄之列何敢與言 國家
事但蒙憲臺知遇之恩知之何敢不言言之何敢不盡也

無財出爾姦之涎味裏之美何得不自也夫請再整服
 亦更之備憲臺盛辭事也夫請愚良以之無心於之請
 以善兩源也各垂然許昂爾蘇蘇於千石亦此一
 金然全望會相大舉以錄 障我宵報之憂以隨聞只
 辦臺步煖半來矣 障我嫂十萬頭無費 障我嫂十
 之捷靈 障我汛荷重士只汛奇命百官汛異氣香靈
 大與亦資容衆同無臺以文新文只爲日孫長今日聞香

上姚制臺議和書

泉郡米價騰貴兵民交困蒙憲臺特疏題請捐濟救此一
 方誠饑溺由已之盛心也復奉憲檄設立站運先動憲捐
 銀五千兩司道府捐銀五千兩在省買米五六千石星夜
 運泉如救焚溺實爲 朝廷兵民實爲 朝廷封疆籌畫
 周詳成龍奉命竭蹶遵行撫憲并念泉郡米貴協濟難容
 刻緩諭查延建邵三府從前發餉買米尙有四萬石委糧
 道星往清理督運又恐府縣米石一時難清聞餉銀四十
 萬將至諭糧道於省餉十五萬內留三萬兩迅爲買米期

於無悞急需是撫憲熱腸同憲臺苦心兩地合符也值省會米價亦陡至二兩一二錢以外成龍虞在省買米則米價必爲興化之續若候上游米到又難副目前之急隨懇撫憲諭借糧道十九年秋糧米令閩縣備米一千石俟官縣備米二千石成龍湊米二千石俟上游米到陸續補還一時協力辦備站運可有頭緒也嗣蒙憲委線副使來省催銀買米成龍區區下情有瀆陳者省米數日內減至一兩有零若經採買勢必仍前騰湧省會貿易者衆力田者寡嗷嗷待哺將何以濟此其可議者一也大兵月折料穀

二萬石每石折銀六錢五分目前因米穀價貴勒不允折費盡委曲若米價再騰必索本色則每月二萬石之料穀將何以支其可議者二也各道捐銀事屬急公誰不樂從但成龍與各道朝夕共事頗悉底裏如李糧道陞任蒼梧資斧告窘王驛道陞任南臬尙負債息隱隱在聽聞間王運使陞任嘉湖日用亦甚蕭索楊學道蒞任未久當此三空四盡無不提襟露肘夙荷憲臺矜念至於在外各道成龍未悉知然值軍興浩繁物力告匱之時一舉一動難逃憲鑒若夫各府認捐勢必索之屬邑私派民間爲偷兒竊

取之計其可議者三也前蒙憲恩代解泉餉一萬餘兩因
協餉未至久未清還目前司庫匱乏成龍苦情不敢上陳
大兵每月折料穀銀八千兩折草價銀二千兩月餉銀四
千兩共需銀一萬四千兩東那西補心血嘔盡竊思成龍
初任粵西令止徵地丁銀一千二百兩次任蜀守止徵地
丁銀九兩再任黃州錢糧徑解藩司從不知收放銀兩成
千累萬爲何事忽遭此火坑苦累欲死此又成龍之不敢
議者四也憲臺寬洪大度體恤下情成龍敢不披陳肝膽
以候裁奪成龍更有請焉泉郡兵馬雲屯料在省數千石
之米真如一杯之水但相時度勢或米價稍平清查壓欠
餉銀如數補足則月餉無缺民間積米自出或可綽有裕
餘也憲臺嚴守一介海內咸知慨然以萬金自任無非爲
此 朝廷兵民 朝廷封疆成龍豈無人心甘爲鄙吝下
流特惓惓鄙懷惟祈審時度勢而已統乞憲臺鑒酌焉

于山奏牘卷之五

終

于山奏牘卷之六

晉西河于成龍北溟父著

初任直撫請 陛見疏

奏為恭請

陛見以盡微誠事臣本草茅下士濫叨祿秩由知縣而歷
任府廳十有餘載寸長未見實切曠瘼之愆乃於三
年之內荷蒙

皇上隆恩復由楚省監司歷遷閩省藩臬此誠
恩逾望外迥出非常履任以來惟有朝夕竭蹶以圖報效

實恐庸劣未能稱職今復荷
新綸不以臣爲謏劣畀以直撫重任臣捧讀之餘自揣下
乘非才何堪

畿甸重寄然聞
命自天又不敢控辭有負
特簡至意竊念臣屢受

皇上知遇洪恩久切觀

闕之念今旣謬叨

皇恩優陞巡撫且自保定前赴

京都計程止三百餘里與他省相隔迢遞者不同况直

隸係

畿輔重地連歲荒旱頻仍黎庶困苦臣係庸才必得

天語指示庶足以撫蒞茲土仰祈

鑒臣愚衷俯允

陛見使臣得以匍匐

金階瞻睹

天顏躬聆

天語提命卽便回任盡心供職以仰副

皇上簡任至意伏乞

睿慈俞允施行奉

旨于成龍簡任巡撫正資料理不必來京陛見該部知道

題報災傷請蠲地方錢糧疏

題爲恭報勘明災傷分數事該臣看得順德府屬之內

丘唐山任縣真定府屬之真定衛順天府屬之涿州

武清房山昌平永清大城寶坻良鄉東安涿鹿河間

府屬之交河阜城青縣天津共十八州縣衛各被旱

雹災傷臣據詳報情形業經具疏

題報在案今據守道詳稱各屬被災地畝分委廳印官

員踏勘除涿州房山良鄉昌平寶坻五州縣勘不成

災外其內丘唐山任縣真定武清永清大城東安涿

鹿交河阜城青縣等十二州縣衛俱經勘明成災備
造冊結呈送理合具具報冊平實及正供冊冊不

題伏乞

勅部議覆施行

戶部議覆內開奉

旨這本內議免被災地方著差爾部司官一員作速前往
踏看具奏餘依議欽此隨差郎中額爾赫圖前往踏看
去後今據額爾赫圖疏稱交河阜城二縣原報被夏
旱災十分九分七分地二千七百六十六頃九十二

畝麥收既少秋田收穫歉薄應將此二縣被災分數
如其原報唐山內丘任縣青縣真定彭城涿鹿等七
縣衛原報被夏旱災十分八分地六千八百九十六
頃七十五畝麥雖收一二分秋禾已收五六分應比
原報分數減其二分大城東安永清武清四縣原報
被夏旱災十分九分八分七分地九千一百七十七
頃二十八畝麥收雖少秋禾已收七八分麥田所種
禾苗又得收穫應將此四縣具報被旱災不准算入
其東安大城永清三縣地內麥與秋禾兼種並不將

于山奏稿 卷六
麥地秋田分晰俱作夏旱災具報應一併交與部議等語又查報文內天津衛被災田地坐在青縣此地應照青縣一體等語查各屬被災分數既經郎中額爾赫圖踏勘明白俱照額爾赫圖所議其東安等三縣並不分麥禾秋禾俱作夏旱災具報不合但未開原報官員職名不便遽議相應行文該撫開列職名具題之日將該撫一併查議可也等因具題奉旨這本內各縣地方自去年被災民生困苦俱著照原報分數准蠲免其東安等處地方官職名免行察議

請增驛站工料疏

題爲衝驛繁苦已極草豆騰貴異常亟請加增工料以救危站以速軍機事該臣看得直隸驛站錢糧十分裁四之後每馬一匹日支料豆草麩額銀五分四厘康熙十七年以前連歲豐稔僅足支應十七年秋收微薄各價已昂至十八年荒歉更甚時值日益騰貴較前不啻數倍原定之銀不敷用度所有額設夫役工食與廩糧飯食并買補馬價及煮料柴薪等銀又皆必需之項無可通融直屬當天下之衝往來差使

晝夜絡繹多係緊急軍務必須臠壯馬匹以資馳騁
日需料草勢難減少而額銀不足各州縣驛賠墊應
用日艱一日紛紛告苦是以巡道僉事吳元萊有暫
增站銀之詳臣批守道叅議董秉忠確議據稱直隸
地方係萬國總匯之區驛站非他省可比今連歲凶
荒衝途各官賠累難堪亟當變通以濟驛困請將各
驛所用豆草照時辦支除原定銀數之外其長墊之
銀於荒歉價貴之時暫時准給俟豐年停止臣思值
茲度支匱絀之際內外臣工惟當生財節用以資不
逮何敢建議加增但豆草之騰湧已經二載衝途之
賠累亦已二載靡不筋疲力盡矣如不速爲軫恤各
驛勢將不支必致馬斃夫迺貽悞西城與懷安驛
軍國重計此臣不敢不以

上聞也既據兩道呈詳前來理合具

題伏乞

勅部議覆施行

輟獲餘不支必姪其獲夫悅胡則
額累亦日一二薙輒不隨其夫盡矣
數何難其薙也曾日豆草之薙則日
一二薙衝殺之

請蠲宜屬衝壓地糧疏
題為請豁水衝沙壓地糧以廣

皇仁以甦民累事該臣看得宣府所屬西城與懷安蔚州
等衛邊隅土瘠逼近渾乾等河有水衝沙壓地畝小
民包糧為累經前撫臣金世德於康熙十四年十月
內具疏

請豁部覆以歷年錢糧俱係報完不係未完拖欠仍令照
舊徵收在案但查糧從地出地既積荒而歷年錢糧
仍報全完者是皆小民竭盡脂膏以包賠者也自部

頃二十九畝零取有該道廳衛印結并造冊呈送前來臣思民之有地原藉所產以資生今地荒而糧存不特無以資生而且以爲害也邊徼窮黎綿力幾何奚堪永遠包賠此數處之荒糧一日不除則數處之民生一日不遂雖目今師旅未息需餉尙殷但逆氛殄滅殆盡唯遺黔滇餘孽指日蕩平此後軍需似無虞於不足而合計四處荒地本色糧不過三千餘石銀僅一千餘兩免之則涓滴之損似無關於國計而數千餘戶貧民得免包賠實受惠於無窮仰祈

皇上特沛洪恩准與豁免俟水乾沙退之日勸墾輸糧庶荒邊僻壤之民永甦其累頂感

皇仁於生生世世矣旣據該道呈詳前來除冊結送部外理合具

題伏乞

勅部議覆施行臣未敢擅便謹題請

旨奉

旨該部議奏

戶部議覆內開該臣等查得直撫于 疏稱宣屬西

城與懷安蔚州等衛各有水衝沙壓地畝小民包糧
爲累經前巡撫金 具疏請豁部覆仍令照舊徵收
但宣屬窮黎累害莫過于包納荒糧又東城地方亦
有水衝沙壓之地取具各官印結具題請豁前來查
宣屬西城等處水衝沙壓地畝事關永蠲錢糧不便
遽議應仍令該撫遴委賢能道官一員親詣踏勘果
否水衝沙壓據實具題到日再議可也等因具題奉
旨依議

題覆前事該臣看得宣府所屬懷安蔚州二衛與東西
二城水衝沙壓地畝小民包糧爲累經臣具疏
請豁部覆令臣遴委賢能道官親詣踏勘果否水衝沙壓
據實具

題遵卽遴委天津道李玠前往彼處逐一踏勘茲據守
道叅議董秉忠詳稱天津道李玠會同護理口北道
印務保定府同知何玉如履畝查勘懷安衛實有衝
壓絕荒地一百九十一頃二十一畝零蔚州衛實有
衝壓絕荒地三百一十八頃二十三畝零東城實有
衝壓絕荒地九百五十五頃二十九畝零西城實有

子山奏稿 卷六
衝壓絕荒地三百四十三頃六十畝零皆因山谷諸
澗及渾乾等河環繞於中衝者盡爲溝渠壓者遍地
沙石誠犁鋤所不能施工力所不能措也當津道踏
勘之時各衛城士民環繞哭泣備愬歷年賠糧苦累
望蠲情切津道目擊絕荒不毛之地與小民鳩鵲之
狀以謂再加追呼則邊徼窮黎將來不免于溝渠是
地之荒者固荒而熟者亦轉爲荒津道勘報情形如
斯臣思此項衝壓地畝包納錢糧實爲宣屬殘黎之
累害是以前撫臣金世德具

題請豁部覆未允至易簣之際猶念念不忘遺疏乞蠲
臣履任之後復又行查確實疏

請蠲免以邀

皇仁部臣因事關蠲豁錢糧理宜詳慎故令委官踏勘今
既履畝勘明實係衝壓絕荒之地工力難施貧民歷
年賠糧異常困苦其所報情形出於目覩最真最切
必無扶隱捏報情弊合計四處荒地本色糧止三千
餘石折色銀僅一千餘兩今

請豁免其於

國家之正賦所蠲不過涓滴而存活數千戶之生靈則所全者甚大臣謹據實

題明仍祈

皇上特沛洪恩將此四處衝壓地畝糧銀准與豁免庶荒微殘黎頂戴

皇仁於不朽矣既據該道呈詳前來除地畝細冊前已送部無庸再造所有勘官印結併口北道廳城衛印結咨送戶部外擬合具

題伏乞

勅部議覆施行臣未敢擅便謹題請

旨奉

旨該部議奏

戶部議覆內開該臣等查得先據直撫于 將宣府所屬懷安蔚州二衛并東西二城水衝沙壓地畝錢糧具題請豁臣部以事關永蠲錢糧行令該撫遴委賢能道員親詣踏勘去後今據該撫疏稱遴委天津道李玠踏勘懷安衛實有水冲沙壓地一百九十一頃二十一畝零蔚州衛地三百一十八頃二十三畝

零東城地九百五十五頃二十九畝零西城地三百四十三頃六十畝零取具踏勘官員印結具題請豁前來查懷安衛等處地畝該撫既稱委官勘明實係水冲沙壓等語此項錢糧應准其二十年爲始照數豁免其地畝仍令該撫速行設法開墾徵糧可也等因具題奉

旨依議

請禁許告以正名義疏

題爲直屬有司疊許上官初爲謀陷詐贓之舉漸成反噬挾制之風流害無已名義與

國體俱傷謹特疏糾叅伏乞

睿鑒以肅法紀以昭體統事竊照上下者名義之所關舉劾者

國體之攸重自督撫以及監司至諸執事上下名義昭

然不容紊越若三年

計典與薦舉必不可停等案並不時糾叅事務必司道府

據實欵揭合之督撫訪問無異方敢列疏入

告權不旁貸事不獨制上下相維名實俱存法至周詳盡善矣未有如直屬之有司蔑視

王章逞訐上官相沿成習名義廢弛體統倒置之甚者也臣六月抵任檢結舊案如任縣已故知縣施埏寶爲申明威勒等事一案訐報大名道范永茂順德府知府殷作霖廣平縣已故知縣夏顯煜爲利債之罔取等事一案訐報大名道范永茂署廣平府事河間府同知周從謙夫以前撫臣金 清慎明決貪墨從

無漏網法紀凜然又安容屬員縱吻肆訐無忌糾劾之權操之下吏蓋以施埏寶夏顯煜侵欠庫銀盈千累萬謀陷詐贓已死不可復詰是予道府以不得不揭撫臣以不得不叅之勢也無如劾尤成風恬不知怪及臣任事數月惓惓以驅除貪吏亟救民生爲念以少酌

皇上知遇之特恩擇其已甚於百人之中據道府揭報畧劾數員以示懲創以予改悔隨有永清縣知縣萬一稟依襲故轍將霸昌道沈志禮列款開揭臣業據文

入

告在案此猶從守巡兩道轉報者也其中恐有勒索情弊
尙未可定已行守巡兩道會訊未幾而獻縣知縣喬
國棟訐河間府知府徐可先同知周從謙之文又至
矣內稱茲嚴禁火耗錙銖盡除中秋無有餽送節禮
府廳因此懷恨藉魯道村崔成失事一案明知是交
河地方捏誣獻縣且謬執別人糧票枉稱獻縣等語
附訐知府徐可先同知周從謙十六十七等年各欵
正在查閱間據守巡兩道回稟前情除批守巡二道

會審確實另報外臣查得魯道村崔成家被盜乃本
年三月二十一日事也崔成赴部報獻縣魯道村失
事喬令以交河相推抗不開具職名天津道委徐知
府親勘據實開報喬令輒肆污蔑之言致徐知府結
舌不敢定案限期久逾事無定局天津道復委周同
知往勘查魯道村原屬獻縣地方因當日同周家庄
高官上夫庄等村誤圈入旗下其地二百七十餘頃
交河還獻縣段家庄等村其地二百七十餘頃嗣後
魯道村爲旗下圈庄歷來未設保甲稽查亦無失事

三山奏稿 卷六
相沿已久茲忽有崔成被盜一案喬令堅不承認周同知細問交河還獻縣段家庄等村一切逃盜俱責之交河而誤圈獻縣魯道村之地逃盜等事何獻縣可脫然無涉也轉報天津道開揭獻縣遲延職名臣據叅在案此乃地方公務恩讐無可巧施何輒以未送節禮爲辭撫拾往事公然具訐且不由守巡兩道徑以驗文封送似此悍藐將來道府必懷投鼠忌器之嫌而隱忍養奸法紀大不可問矣各屬有司包藏禍心任意橫肆剝小民道府決不敢有過而問者法紀頽靡將何底止我

國家數十年振綱飭紀大小臣工無不以名義自持何容此干名犯義之輩挾制上官壞綱亂紀於幾輔之地也倘海內效尤風俗人心爲之大壞伏乞勅部嚴議如道府不法而撫臣姑容恣害應作何從重治罪而反噬挾制之有司作何處分於以申飭法紀嚴戢體統大義明而

國體昭以養

國家久安長治之休所關匪淺鮮矣臣謹具疏

題叅伏乞

睿鑒

勅部議覆施行奉

旨該部確議具奏

吏部議覆內開除獻縣知縣喬國棟訐河間府知府徐可先同知周從謙之文該撫旣稱批守巡二道會審確實另報等語應俟查明到日照例議外議得直隸巡撫于成龍疏稱上下名義不容紊越凡有糾叅事務必道府據實欵揭督撫訪聞方敢入

告未有如直屬之有司蔑視

王章逞訐上官相沿成習者也臣查魯道村崔成家被盜一案崔成赴部報獻縣魯道村失事獻縣知縣喬國棟以交河相推抗不開具職名天津道委河間府知府徐可先親勘據實開報復委同知周從謙往勘查魯道村原屬獻縣地方轉報天津道開揭獻縣遲延職名據叅在案此乃地方公務恩讐無可巧施何輒以未送節禮爲辭撫拾往事公然具訐似此悍藐將來有司任意橫肆剋剝小民道府決不敢有過而問

之者法紀頽靡將何底止伏乞

勅部嚴議如道府不法而撫臣姑容應作何從重治罪而
反噬挾制之有司作何處分等因前來查道府不法
督撫姑容不行題叅者有降三級調用之例應無庸
議至凡官員若上司有將伊勒索苛求之處應於未
將伊列欵揭報糾叅之先首告將伊列欵揭報糾叅
之後乃將上司列欵首告者因將伊揭報糾叅之際
担欵首告亦未可定相應定其處分之例查定例內
京察大計降級革職官員如有將考伊官員以受賄侵勒
控告者將所告之事不准行本官有冠帶者革職無
題冠帶者交與刑部議罪等語嗣後凡官員將伊列欵
揭報糾叅之後乃將上司列欵首告者應照此例將
所告之處不准行治罪俟

命下之日通行直隸各省遵行可也等因具題奉
旨依議

臣等聞近日數行直隸各省數行河出等因具陳奉

聖旨之類不詳行

臣等聞近日數行直隸各省數行河出等因具陳奉

聖旨之類不詳行

京來

特叅州牧黨盜疏

題為州牧黨盜不報臣謹特疏糾叅以儆官邪以肅法

紀事該臣看得州牧一官身任地方之責當以緝盜

安民為事不意有緝盜無能而反工護盜如景州知

州張鳴珂者大盜呂世昌高登舉將弓箭刀鎗等械

用蓆包裹暗藏車內由景州以往德州乃該州任其

公行而不為覺察及至兩處交界地方被德州營兵

盤獲押解該營而鳴珂旋為關取當賊由州境行走

之時何以昧於盤詰及被隣兵拘執之後又何以速

於關提耶且提到二賊既不捕緝餘黨又不申報道
府惟稱無失主賊証難以盜賊懸擬爲詞竟將載械
劫掠行徑諱爲賒買牛驢強借偷驢舊案私移德營
欲爲開釋如此挾械之大盜置之不究不報且力爲
出脫此非通同受賄而何鳴珂之居心行事臣誠不
能爲之解也養奸貽害一手障天是州境竟爲群盜
之淵藪而隣封悉爲几上之魚肉矣更不知前此之
縱賊行劫於隣境者幾何行劫於本境而隱諱者又
幾何也且臣准山東撫提二臣咨會檄令巡道行提
捕役人等究訊而鳴珂尙敢抗不申解目中寧有三
尺乎似此黨盜庇蠹之員斷難一日姑容貽害地方
所當請

旨革職同捕役人等一併提問從重究擬者也臣謹
題叅伏乞

睿鑒施行奉

旨這所叅張鳴珂黨盜庇蠹殊干法紀著革了職併本內
有名蠹役該撫嚴提究擬具奏該部知道

爲口北饑民請緩徵出糶疏

題爲謹陳急救口北饑民之議仰祈酌行事該臣看得
宣府所屬衛堡連年歉收民多困苦今歲夏秋東西
二城宣府前衛懷安衛萬全左衛又被旱雹等災濱
井堡蔚州衛秋間亦被雹災經臣委員勘明成災分
數先後具

題在案今據守道叅議董秉忠詳議緩徵平糶二款前
來臣查宣屬徵糧多係本色今疊被災傷籽粒無出
必須糶米完納值此饑寒交迫之際災黎已難存濟

而重之以催科臣恐徒煩敲扑究竟不能輸將雖
國儲綦重不敢輕議全蠲然民命所關又不敢不仰體
皇上愛養群黎至意急請蠲免本年應徵本色糧
請軫恤也臣查宣屬每年約徵本色糧玖萬石其每年支
放不及五萬石所徵者多而所用者少康熙十八年
奏銷實在糧共計二十七萬七千餘石除十九年給
散蒙古併支放官兵外仍有存貯糧二十萬石康熙
二十年儘足支用而尚有餘十九年應徵新糧又約
計九萬石此糧徵完不過積留在倉無有支用之處
若將災傷地方分別輕重酌量緩徵被災之民實沾
無窮之惠今宣屬被災之處惟東西二城爲最所有
康熙十九年額賦除折銀照數催納外其本色糧一
萬三千餘石

請於本年先徵十分之三其餘七分緩至明秋帶徵至於
前衛及懷左蔚濠四衛堡雖俱被災未至如東西二
城之甚本年折銀亦照數催納其本色糧三萬三千
餘石本年先徵十分之七其餘三分亦緩至來秋帶
徵此不過暫寬時日其於額糧毫無虧損而稍緩一

分之追呼小民卽受一分之弘濟不致立填溝壑矣
再查東西二城歷年所徵糧石支銷無幾現存之糧
約計四萬五千餘石久貯在倉將有浥爛之虞今二
城罹此重災百姓粒食維艱若將陳積之糧平價出
糶不許外境興販不許富戶多糶祇聽災民計口糶
買米價旣平民間易於得食雖遇凶年或可安鄉井
而無流移之苦亦救荒之一策也臣謹具
題伏乞

勅部議覆施行奉

旨該部議奏

戶部議覆內開該臣等查得直撫于 疏稱宣府所
屬連年歉收今歲夏秋被災民難存濟查宣府被災
之處惟東西二城爲最所有康熙十九年本色糧於
本年先徵十分之三至於前衛及懷安萬全左衛蔚
州涇井五衛堡本色糧本年先徵十分之七其餘緩
至明秋帶徵等因前來查宣府所屬該撫旣稱疊被
災傷均應如該撫所題帶徵完納至於該撫疏稱東
西二城現存倉糧四萬五千餘石以平價出糶令重

災百姓計口糴買亦救荒一策等語查宣府所屬舊存米豆共六萬一千餘石現今准其變價今又將東西二城舊存米豆盡數出糴恐不足供應等項亦未可定相應行令該撫將東西二城存貯米豆俱令將一半照時價確估報部可也等因具題奉旨依議

再爲口北饑民題請急賑疏

題爲二城饑困已久三冬民命垂斃懇祈

題賑亟救殘黎事該臣看得宣屬地方連年歉收今歲東西兩城及萬全左右前懷蔚保柴溝西陽等處俱報夏災臣到任後勸諭守道及口北道倡率官紳士民共捐銀一千三百八十二兩四錢米七百七十九石九斗委保定府同知何玉如前往分賑外尙存銀二百八十三兩八錢三分迨至秋間東西二城及前懷蔚左淺井等處復被災傷據守道詳議將東城等

處被災地方本年應徵糧石分別緩徵及將積貯糧石平價出糶以救凶荒臣於本年十一月初九日具疏
題請此時該地方官尙未報有饑死之民也今於十一月二十七日據守道董秉忠詳稱據南路通判陳天棟報稱東西二城春夏以來民食草根木苳迨至秋冬西成無望捐賑無幾向之根苳不可復得近於二十餘日之間饑死者不下數十人卽城坊闔市每日亦偃仆幾口等語臣展閱至此不勝憫惻伏思臣

題平糶之疏見候部覆卽荷

皇仁允臣所

請尙須二十餘日止可救來春而不能救目前亦止救稍能措糶之民而不能救囊無一錢殍臥待斃之民卽再疏

請發廩賑濟其間下部議覆候

旨允行亦須一月此一月之內民之饑死者又不知凡幾矣臣與守道董秉忠共相籌度東西兩城旣無常平倉穀可動雖有從前勸捐存剩之銀然止二百八十

餘兩爲數無幾欲再勸捐一時銀米不能驟集而又
迫不能待再四圖維別無良策惟有西城陳積之糧
臣已
題明平價出糶以救災荒今西城饑民奄奄一息勢須
急爲拯救不能稍緩須臾臣仰體

皇上惠愛元元至意委保定府同知何玉如等馳赴東西
兩城查有實實饑困不能謀生窮民動支前項倉糧
每名口賑給二斗俾此垂危之民少延月餘之生其
前衛并蔚潑懷左等五處據守道詳報俱有饑民臣
檄守道轉行同知何玉如等俟賑完兩城之後將此
五處饑民查明亦動各本處倉糧給賑至動過糧石
容臣通查各屬積貯無項舊銀照依宣府前衛經變
康熙十七年以前倉糧之價按數抵補如或不敷再
行勸捐補足至各處饑民除目前賑濟之外其善後
之舉容臣酌議另疏

題請今據守道呈詳前來理合具

題伏乞

睿鑒

勅部議覆施行奉

旨該部速議具奏

戶部議覆內開該臣等查得直隸于 疏稱宣屬地
方連年歉收東西二城春夏民食草根木芩迨至秋
冬根芩不得二十餘日之間饑死不下數十人城坊
開市每日亦僅仆幾口勢須急爲拯救不能稍緩須
臬委保定府同知何玉如馳赴東西二城查實實饑
困窮民動支倉糧每名口給賑二斗少延月餘之生
其前衛并蔚淩懷左等五處饑民查明亦動倉糧給
賑至動過糧石通查各屬無項舊銀抵補如或不敷
再行勸捐補足等因前來查該撫旣稱東西二城及
前衛等五處饑民委官賑濟應行該撫速將存剩米
石動支賑救務須仰副

皇上愛恤饑民之至意毋致離散仍將賑救過饑民數目
動支米數報部查核其動過米石該撫照時估價勸
捐抵補可也等因具題奉

旨依議

謝賜書經解義疏

奏爲恭謝

天恩事康熙十九年十二月初七日臣提塘李懋功自京
領齋

皇上頒賜書經解義到臣臣隨恭設香案望

闕叩頭祇受訖伏思

皇上至德生知體執中於堯舜

聖修典學懋建極於商周念茲疎庸咸宜訓迪

頒賜成書俾有矜式臣成龍雖以固陋之資淵微莫測益

不敢不夙夜小心講求古訓期於仰副我
皇上砥礪臣工之盛意焉臣謹具疏奏

謝伏乞

睿鑒施行爲此具本專差提塘李懋功齎捧謹具

聞伏候

勅旨奉

旨該部知道

再請 陛見疏

奏爲微臣躬率昇請夫役前赴沙河路由

京都謹請

陛見以遂夙誠事臣以謏劣菲才謬蒙

皇上知遇授以巡撫鉅任

聖德如

天感激無地臣於蒞任之初具有恭請

陛見以盡微誠一疏奉

旨于成龍間任巡撫正資料理不必來京陛見該部知道

欽此欽遵不敢再疏陳

請然瞻

天仰

聖之愚忱刻刻在懷今工部

題明昇請

二位皇后梓宮夫役一萬八百四十名咨臣揀選齊備親
身率領於二月初八日前至沙河臣俟屆期躬率人
夫趨赴應役伏思臣前疏恭請
陛見未荷

皇上俯允今自保定前赴沙河路由

京都咫尺

闕廷益切覲

聖之念且臣才識庸常膺茲

畿輔重寄必得

天語提命俾知砥礪臣謹再疏恭

請伏乞

睿慈俞允施行臣未敢擅便爲此具本專差提塘李懋功

齋捧謹具奏

聞伏候
勅旨奉
旨于成龍著陞見該部知道

陞見蒙
賜謝一
恩疏

奏為恭謝

天恩事竊臣因督率昇請

二位皇后梓宮夫役至沙河荷蒙

聖恩俯俞臣請於康熙二十年二月初五日

陞見獲覲

天顏躬承

提命隨蒙

賜坐

賜坐

賜茶特徵

御膳賜食當卽謝

恩趨赴沙河料理夫役於二月十二日翰林院掌院學士
庫勒納一等侍衛對親傳奉

上諭褒嘉特賜欵銀二千兩

內帑銀一千兩

御乘連鞍良馬一匹隨望

關叩頭祇領訖又於二月十八日大學士明珠翰林院掌
院學士庫勒納一等侍衛對親奉

上諭賜臣

御製詩一章

御筆手卷臣恭隨

欽使親詣

行殿叩頭祇領訖及臣率夫至

陵事畢回

京于三月十四日詣

闕謝

恩又奉

欽賜鞍馬一匹臣隨祇領一併叩謝

天恩當經恭請

聖安復蒙傳十四日

諭賜茶伏念臣以一介腐儒歷任外吏徑守淡泊曾無寸

長謬蒙

特達之知

簡授撫

畿之職今茲

陛見親覲

龍光幸抒仰

聖之微忱欣遂瞻

天之夙願詎荷

睿慈過承

寵眷

賜坐

賜茶特徹

御膳賜食更念臣家計涼薄特賜

內府帑金

御乘良馬且蒙

聖製詩章

宸揮彩翰

綸音溢美愧感交深似此

殊恩異數誠曠古所希聞臣何人斯乃邀

榮於非分唯有益加砥礪以無負我

皇上知遇之隆已耳臣謹恭疏

奏謝伏乞

睿鑒施行爲此具本專差提塘李懋功賫捧謹具奏

聞伏候

勅旨奉

旨該部知道

題報蠲賑宣屬米石疏

題爲

題明勸蠲運宣米石以盡臣誼少佐邊儲事切照宣府
等處歲歉民饑邊外蒙古亦饑頻行賑濟存倉米石
告匱我

皇上念切邊儲爲重特

命撥運京倉米石又以溽暑之時恐勞民力復厯

睿慮

命王公以下卿貳以上各蠲車輛運米萬餘石以備急需

皇上惠愛斯民甚深且切也竊念內外臣工均屬一體在
命內王公大臣既已急公蠲車輓運臣與道府等官叨
皇土沐
聖恩忝居外任無以仰舒

宵旰揣分何以自安且臣前奉

旨往宣府賑濟饑民親見鎮城倉米支放已竭現在竟無
存貯而前衛本年額徵之糧已奉

特恩全蠲直至明歲秋成始有新糧接濟目今宣鎮在城

營兵無米可支軍糈所關亦屬緊要臣抵署後旋與
守道叅議董秉忠巡道僉事吳元萊面同酌議乘今
秋收之際於直屬道府等勉其各量力蠲輸仍自備
車脚運至宣府交收約畧計算可得米貳萬石有此
儲備則宣鎮兵糧不虞缺少若遇賑濟蒙古等項亦
可少資於用除臣已檄行各道府勸勉輸助俟將願
蠲數目報明催令運宣交倉之日容臣核明確數開
列蠲助各官職名另疏

題報外此臣仰體

皇上懷保之仁亦倣廷臣急公之誼勸令道府各輸涓埃以盡臣分少佐邊儲於萬一耳臣謹先疏

題明伏乞

睿鑒施行奉

旨于成龍率屬蠲米貳萬石運至宣府備賑可嘉着議奏該部知道

再爲驛站請增工料疏

題爲衝驛繁苦已極豆草騰貴異常亟請加增工料以救危站以速軍機事該臣看得直屬當天之下衝各省差使莫不經由其地驛站之繁難自昔稱最各驛原額工料當編定之時蓋幾經籌畫量其足用而設立乃自吳逆倡亂軍需浩繁屢經裁減差愈多而銀愈少各驛始困然於康熙十七年以前直年歲豐稔猶可勉力支持不期十七年秋收歉薄歷十八十九年疊罹災傷豆草等價一切騰湧較前不啻數倍裁

剩之銀不敷於用各官賠墊難堪紛紛籲請臣據守
巡兩道詳議是以有暫給長墊之疏未荷允准隨通
飭各屬遵照部覆仍令於裁存銀內通融支給亦何
敢再爲陳

請但自連歲災荒之後未遇豐收物價曾不少減而所存
工料各有項欸如夫役工食廩糧飯食及買補馬價
與煮料柴薪等銀無一可省更無一足用實無可以
通融其間各驛賠累既久日見困迫自准部文檄行
之後呼籲叠至比前更切其不得已之苦情誠難殫

述茲據巡道僉事吳元萊詳稱直屬原額工料銀五
十二萬四千一十兩零奉文十分裁四止應裁銀二
十一萬三千六百四兩零今合先後裁銀共有二十
五萬二千四十七兩零除應裁外多裁銀三萬六千
六百四十三兩零此多裁之數原係各驛應留六分
以內之銀請仍還各驛少濟時艱等情臣復批令會
同守道查議今據兩道查明原有多裁銀兩詳請
題覆前來臣猶恐未確又檢閱原裁案卷前撫臣金世
德於康熙十五年奉文裁減之時原按額銀計算統

合各案共裁銀二十一萬三千六百餘兩後經部駁
又找裁銀三萬六千六百餘兩曾於疏內敘有原額
計算幾及五分等語則是後次找裁者實係應裁四
分以外之銀况前撫臣於十五年題覆裁四一疏內
稱直隸無處不衝無處不繁較之安徽相去懸殊不
啻倍蓰今將額設錢糧照依安徽裁減誠恐各驛遞
將來力不能支其於軍機緊差所關匪淺若日後存
剩之銀不敷供應必須再爲

題請臣等身在地方洞悉各衝驛之苦不得不預爲陳
明等語則是前撫臣當日仰體一時籌餉之計勉爲
裁減固已逆知日後之必不敷於用也假使撫臣至
今尙在值此連遭荒歉物力艱難之際亦將請復之
恐後矣臣今身在地方目覩各驛困苦情形安敢坐
視倒廢而不亟爲

上請也合無仰懇

皇仁軫念驛站關係軍機重務

特勅部議將前項多裁銀兩自康熙二十年起給還各驛
容臣酌量繁簡均勻補給庶驛困得以少蘇而馳遞

軍機可無貽悞之虞矣臣謹具

題伏乞

勅部議覆施行

爲真屬被災州縣請停徵疏

題爲泣陳災邑萬分重困懇恩援例帶徵以甦民命以

固邦本事據直隸守道叅議董秉忠呈稱蒙巡撫于

右副都御史批據獲鹿井陘等縣申詳前事內稱切

照獲井等縣環邑皆山地盡沙石別無水源在雨暘

時若之年收穫無幾不意旱暵肆虐逐連三年雖前

經微雨繼以暴風麥穗焦枯顆粒無望穀種未播秋

收無期嗟此下民釜餽生塵爨煙斷絕因而流離載

道幸蒙各上司多方賑救雖得續命之膏然錢糧終

無可措若云緩徵於春夏勢必併徵於秋冬則此溝壑待斃之民輾轉究無生路有土地者因徵地丁而逃有房舍者因徵房號而逃丁口日見凋耗國賦從何徵輸是緩徵在常年爲破格之恩在獲井等邑此地此時仍屬朝三暮四案查口北被災深重業蒙本院

題請帶徵獲井等邑三歲奇荒災黎之苦雖疊贖難盡照其狀實與口北相同今除驛遞一項關係軍機祭祀一項關係典禮別縣旣無協供之理應於現年徵給

其餘除春季已經支給外一切起運存留各款通作十分計算將康熙二十年地丁等項錢糧槩行停徵於二十一二十二二十三等年分別帶徵倘邀時和年豐尙可通融辦納轉移緩急之間於

國賦無虧額之憂民命有更生之望若不爲民請命終無善全之策職等蟻命固無足惜又安忍坐視千萬生靈盡填溝壑不得不冒昧申請伏祈鑒奪等情申詳本院蒙批仰守道速行確議詳奪繳蒙此又蒙本院批據真定府呈詳前事內稱獲井等邑詳同前情

該真定府知府趙瑾看得真屬地方災荒連歲大槩
歉收而西北沿山一帶之獲鹿井陘曲陽平山靈壽
五邑災黎困苦尤甚惟冀雨暘時若春秋俱熟庶幾
可望起色不意本年自三月初中二旬各得微雨之
後迄今彌月以來河漢爲昭麥苗不能盈尺抑且漸
見焦枯已種之穀不長未耕之地咸荒幸蒙賑救頻
加暫得苟延目下然賑濟救其一時亢旱無如復見
黎民仰事俯育急公完糧者惟此地土是賴地土一
荒下旣切於饑餒倘上再迫於徵輸欲其不逃不散
不可得也職府目擊災黎俱皆鳩形鵠面慘苦之狀
鄭圖難繪五邑士民紛紛籲控二麥枯死無餘郊原
悉爲赤地除踏勘確實另請
題蠲外茲據五邑將本年錢糧援口北帶徵之例爲民
請命前來職府不得不據實呈請俯賜具
題以救殘黎等情呈詳本院蒙批已據獲井等縣申詳
批行該道查議矣仰速妥議詳等因批行到道蒙此
該守道叅議董秉忠看得真屬獲鹿井陘曲陽平山
靈壽五縣地方連旱二年小民困苦已極雖前經詳

請多方蠲備買米及借穀兩經賑濟在案然不過少
救目前之饑餒惟望二麥以甦生今據獲井等縣與
真定府詳稱各該地方自本年三月初中二旬各得
微雨之後迄今彌月以來河漢爲昭麥苗枯槁已種
之穀不長未耕之地咸荒旱災復見黎民所藉以資
以生完糧者惟此土地是賴地土一荒下旣切於饑餒
倘上更迫於徵輸勢必逃散呈請確查災地請蠲併
援例詳請帶徵前來是獲井等五縣二麥絕望夏災
已見除委員踏勘確實另行詳奪外但獲井等五縣
連被重災十望九空小民糊口無策以此重困垂斃
之饑民而令其辦納

國課此徒事追比究竟不能完納反多流離散亾之慘
康熙二十年分錢糧實實難於徵解合無詳請先賜
具

題將獲鹿井陘曲陽平山靈壽五縣康熙二十年地丁
錢糧寬至二十一年帶徵完解是以轉移間在
國賦仍無虧缺而千萬殘黎得獲再生之恩也等因呈
詳到臣該臣看得直屬地方連年荒歉去歲復被水

旱災傷者三十餘處
畿北唯宣府爲最業蒙
皇恩蠲賑頻施且允臣所請將康熙十九年本色糧石准
於二十年帶徵矣至
畿南被災之處惟真定府屬之獲鹿井陘曲陽平山靈
壽五縣爲最蓋此數處皆沿山一帶地固沙磧民素
困窮何堪疊罹災傷第以宣屬饑民衆多方煩發稟
是以未敢輕爲入

告重費

國帑臣鼓勸道府等官多方蠲備買米借穀自春初至
今兩經賑濟被災窮黎稍爲苟延所望者惟二麥成
熟秋田收穫資生完賦俱借此以給不意今歲自春
以來雨雪甚少各處同然於三月初七八等日時
有雨澤雖或未盡溥遍而別屬已有沾足者獨此五
縣偏不得透雨且彌月以來亢旱如故麥苗悉已枯
槁夏災已成民心惶惶錢糧無措該府縣咸激切詳
請蠲除帶徵臣批守道查議茲據該道叅議董秉忠
議將各縣康熙二十年地丁錢糧寬至二十一年帶

徵前來臣思此五縣目下情形實屬困迫誠難復事
徵輸但時在夏初雖麥田無望若得透雨秋禾之未
長者尚可長茂未種者尚可佈種幸邀
天眷秋田有收則民心安而民力舒當茲軍需孔亟之際
臣何敢輕

請帶徵併何敢輕議緩徵也若此後仍無透雨則秋田又
復無望將見數縣民生不免流離溝壑之虞
國賦從何辦納臣於此際又不得不懇
皇上寬恤之恩也除各縣夏災地畝批令守道遊員踏勘

俟勘明詳報到日另

題外所有各縣被災情形並目下民困難徵緣由理人

先疏具

題伏乞

勅部議覆施行

于山奏牘卷之六終

天眷秋田有收則民
陳澐請蠲賑

請蠲米石何敢輕議緩徵也若此後仍無透雨則秋田又

決蕪其將見數縣民生不免流離溝壑之虞

賑收泚育各練姪災青派益目可其困鱗增絲由聖

皇上勉憫申精辨匪日良夏災地畝批令守道遊員踏勘

